

Obraćanje nosioca liste Lejla Hadžić

Lejla Hadžić nositeljica je liste pokreta Naprijed! za Općinsko vijeće Novi Grad. Diplomirana je pravica s iskustvom u realnom sektoru. Tokom svoje karijere, radila je kao ekspert u radnim grupama za prilagođavanje zakonskih propisa.

Njen cilj je približiti se Evropskim fondovima kako bi se u sektorima održivosti i razvoja malih i srednjih preduzeća, uključujući stare tradicionalne zanate u Općini Novi Grad, ostvario napredak kroz kreditiranje i edukaciju određenih kategorija stanovništva.



Također, zalagaće se za postavljanje prioriteta koji će poboljšati kvalitet života građana. Tijekom svog mandata, planira raditi na usklađivanju plana lokalne samouprave sa Zelenom agendom EU za Zapadni Balkan, s ciljem podsticanja izdržljivijeg društva i poboljšanja uslova životne sredine i života građana u Općini Novi Grad.

Suad Čongo kandidat za Općinsko vijeće Novi Grad



Suad Čongo, kandidat na lokalnim izborima za OV Novi Grad Sarajevo, rođen je u Sarajevu. Završio je Ekonomski fakultet te stekao značajno iskustvo radeći u Energoinvestu, Ministarstvu inostranih poslova i Agenciji za bankarstvo FBiH. Ako bude izabran u Općinsko vijeće, posvetit će se poboljšanju životnih uvjeta u svim aspektima, uključujući ekologiju, infrastrukturu za djecu predškolskog i školskog uzrasta, sport i rekreaciju za odrasle te zdravo starenje za osobe u trećoj životnoj dobi. Njegov cilj je uspostaviti kvalitetniju saradnju s lokalnim stanovništvom kako bi zadovoljio njihove potrebe i unaprijedio kvalitetu života u zajednici. Također bitno je istaknuti da je višestruki prvak SFRJ i BiH u streljaštvu, kao i pobjednik drugih domaćih i međunarodnih turnira. Isto tako je nosioc Olimpijskih igara 1984 u Sarajevu.



Mevlida Lukovac, s više od 35 godina iskustva kao profesorica predškolskog odgoja u JU Djeca Sarajeva, stekla je duboko razumijevanje potreba djece i značaja kvalitetnog obrazovanja u ranoj fazi života. U svojoj karijeri, Mevlida se posvetila unapređenju rada s djecom, stalno se zalažući za poboljšanje uslova i pružanje nesebične pažnje i pomoći svakom djetetu. Njen cilj je nastavak ovog angažmana kroz politički rad kako bi osigurala još bolje uslove za razvoj i obrazovanje djece u zajednici. Mevlida teži stvaranju okruženja koje omogućava djeci zdrav razvoj i pruža sve potrebne resurse. Kao kandidatkinja, zalaže se za unapređenje predškolskog odgoja i podršku porodicama u Općini Novi Grad.

9 Mevlida Lukovac



Damir Tokača, absolvent ekonomije, donosi bogato radno iskustvo i dugogodišnje obrazovanje u svojoj zajednici. Sa 27 godina, Damir je perspektivni sportista i motivisan pojedinac s brojnim edukacijama i idejama. Vjeruje da svojim znanjem i entuzijazmom može značajno doprinijeti unapređenju zajednice. Njegov cilj je raditi zajedno s drugima kako bi izgradili bolju i ljepšu budućnost za sve.

10 Damir Tokača



Amra Bučuk je profesorica stranih jezika i pedagog s bogatim iskustvom u obrazovanju i humanitarnom radu. Tokom svoje karijere radila je kao posmatrač u ECMM-u i oficir za vezu u OHR-u, a takođe je bila angažovana u srednjim školama i centrima za strane jezike. Posvećena je unapređenju životnih uslova za penzionere, posebno one koji žive sami, kao i omladini i djeci s posebnim potrebama i njihovim roditeljima. Kao kandidatkinja za vijećnicu u OV Novi Grad, Amra se zalaže za sigurnije, bolje, humanije i sretnije sutra kroz udružene napore i konkretne programe pomoći.

11 Amra Bučuk



Mirsad Kapo, penzionisani projektant inženjeringa za delekovode iz Energoinvesta, donosi svoje bogato iskustvo i stručnost u lokalnu zajednicu. Iako je sada u penziji, Mirsad vjeruje da može značajno doprinijeti razvoju općine svojim znanjem i iskustvom. Njegov cilj je koristiti stečeno iskustvo kako bi unaprijedio uslove života u zajednici i podržao projekte koji će doprinijeti njenom razvoju.

12 Mirsad Kapo



Mersiha Komarica ima 42 godine i diplomirana je pravnica, trenutno nezaposlena. Zalaže se za unapređenje kvaliteta života u svojoj lokalnoj zajednici. Njena vizija uključuje smanjenje bespotrebne administracije na lokalnom nivou te preusmjeravanje sredstava na obrazovanje, angažman mladih i pomoć socijalno ugroženim građanima. Namjera joj je poboljšati kvalitet života u lokalnoj zajednici i osigurati da svi građani imaju bolje uslove za život.

13 Mersiha Komarica



Samir Lešo, sa 26 godina i titulom mašinskog tehničara, kandidat je za Općinsko vijeće Novi Grad. Kroz svoj angažman u stranci, posvećen je promicanju ravnopravnosti svih naroda i stvaranju boljih uvjeta za život sadašnjih i budućih generacija. Vjeruje u izgradnju društva u kojem svi građani imaju jednake šanse i prava. Samir se predano trudi doprinijeti boljoj budućnosti, s ciljem stvaranja zajednice u kojoj se svi osjećaju sigurno, poštovano i ponosno na svoje članstvo.

15 Samir Lešo

Provjereni ljudi za novo Općinsko vijeće!

NOVI GRAD Donosimo listu kandidata za Općinsko vijeće Novi Grad



5

Emir Muftić

Emir Muftić, sa 36 godina i titulom magistra građevinarstva, ima dugogodišnje iskustvo u svojoj struci. Kao kandidat, fokusiran je na unapređenje života u općini kroz borbu protiv korupcije i nepotizma, promicanje veće uloge mladih u politici te poticanje ekonomskog i infrastrukturnog razvoja. Njegova posvećenost i stručnost ključni su za izgradnju bolje budućnosti za sve građane općine.



3

Jasmin Skopak

Jasmin Skopak, diplomirani pravnik, već dugi niz godina zaposlen je u KJKP RAD. Njegov cilj je pokazati se kao ozbiljan i predan kandidat za Općinsko vijeće s konkretnim planovima za poboljšanje kvaliteta života u zajednici. Kroz svoj angažman, želi unaprijediti lokalnu infrastrukturu, poboljšati javne usluge i osigurati transparentnost u radu općinskih institucija.



7

Lorena Marušić

Lorena Marušić, grafička dizajnerica, mlada je i ambiciozna osoba s strašću za dizajn i inovaciju. Želi iskoristiti svoju kreativnost i stručnost kako bi riješila probleme i unaprijedila uslove za omladinu u svojoj zajednici. Kroz svoje profesionalno iskustvo, Lorena usmjerava svoje napore na stvaranje pozitivnih promjena i pružanje novih prilika za mlade ljude. Kao kandidatkinja, posvećena je radu na projektima koji će poboljšati kvalitetu života i omogućiti mladima da se aktivno uključe u razvoj svoje lokalne zajednice.



6

Namik Srna

Namik Srna je diplomirani ekonomista s dugogodišnjim iskustvom u KJKP Sarajevogas, gdje je brzo napredovao zahvaljujući svom radu, trudu i predanosti. Njegovo bogato iskustvo u ekonomiji i upravljanju doprinosi njegovoj viziji za općinu Novi Grad. Ukoliko bude izabran za vijećnika u OV Novi Grad, Namik se namjerava fokusirati na jačanje sigurnosti i stabilnosti općine, s ciljem unapređenja životnih uslova i ekonomskog razvoja zajednice.



8

Asmir Tanović

Asmir Tanović je diplomirani inženjer mašinstva sa dugogodišnjim iskustvom u izgradnji infrastrukturnih, energetskih i stambenih objekata u BiH i regiji. Njegova stručnost i angažman u ovim oblastima omogućili su mu da stekne duboko razumijevanje potreba za razvojem i unapređenjem infrastrukture. Kao kandidat za Općinsko vijeće, Asmir vjeruje da njegovo iskustvo i predanost mogu značajno doprinijeti razvoju općine i unapređenju kvaliteta života svih građana.



16

Inasa Izmirlija

Inasa Izmirlija, magistrica fizike i iskusna prosvjetna radnica s dugogodišnjim iskustvom u obrazovanju, razumije značaj kvalitetnog obrazovanja i podrške učenicima. Njena vizija uključuje poboljšanje uslova u svim aspektima života djece, od obrazovanja do socijalnog razvoja. Inasa se zalaže za reforme koje će unaprijediti obrazovni sistem, pružiti dodatnu podršku učenicima i nastavnicima te stvoriti bolje uslove za obrazovanje i razvoj mladih u Općini Novi Grad. Svojim angažmanom teži stvaranju podržavajuće sredine koja će omogućiti djeci da ostvare svoj puni potencijal i postanu uspješni članovi zajednice.

Mehmedović: Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!

Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!

Zvijezde, koraci i novi početak: Otkrijte simboliku logotipa NAPRIJED!

Logo NAPRIJED! sastoji se od dva elementa: čovjeka i zvjezdica.

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7
71 000 Sarajevo
info@naprijed.ba
033/862 535
www.naprijed.ba